

Dr. M: Bantahan terhadap pengeboman meningkat

UM 2 - NOV 2001

LONDON 1 Nov. — Malaysia hari ini memberi amaran kepada Amerika Syarikat (AS) bahawa tentangan terhadap pengeboman ke atas Afghanistan kian meningkat dan ia tidak akan dapat menghapuskan keganasan.

"Kami tidak percaya bahawa pengeboman ke atas Afghanistan akan dapat membantu," Perdana Menteri Malaysia, Datuk Seri Dr. Mahathir Mohamad memberitahu *Radio BBC* dalam satu temuramah.

"Tentangan berhubung pengeboman AS kini cukup kuat dan semakin kukuh," kata beliau.

Indonesia, jiran Malaysia di Asia Tenggara dan negara Islam terbesar di dunia juga menggesa akan tindakan ketenteraan ke atas Afghanistan dihentikan menjelang kedatangan bulan Ramadan yang dimuliakan.

Dr. Mahathir berkata, dunia seharusnya menggambarkan tentangannya yang jelas terhadap pembunuhan umat Islam.

"Tiada sesiapa sengaja bertindak meletupkan diri sendiri," kata beliau, mengingatkan kembali peristiwa serangan berani mati di AS pada 11 September lalu dan akibatnya. "Mereka mungkin tersalah arah tetapi kita harus tahu mengapa mereka melakukannya."

"Sebabnya, sejauh mana yang dapat kita jangka, ialah situasi di Palestin, situasi di

Iraq, situasi di Chechnya di mana umat Islam diserang dan dibunuh tetapi dunia seolah-olah tidak mengendahkannya," kata beliau.

"Di Bosnia, korban mencapai 200,000 orang sebelum dunia mula bertindak," tambah beliau.

Beliau mempersoalkan kebimbangan bahawa Asia Tenggara bakal menjadi barisan hadapan seterusnya dalam perang antarabangsa menentang keganasan.

Pelampau

"Rakyat di rantau ini tidak seperti mereka di Asia Barat atau Asia Tengah. Rakyat di sini bukanlah golongan pelampau dalam pandangan mereka, sama ada mereka warga Indonesia, Filipina mahupun Malaysia," kata beliau.

Sambil menekankan rasa tidak senang beliau mengenai pengeboman AS yang berterusan, beliau berkata: "Serangan ke atas Afghanistan ini bukanlah sesuatu yang akan menyumbang kepada usaha menghapuskan pegganas atau mengurangkan kecenderungan orang untuk menyertai kumpulan pegganas."

Polis Malaysia telah menahan 10 lelaki tiga bulan lalu dan enam lagi Oktober lalu kerana disyaki anggota militan Islam.

Pihak berkuasa berkata, mereka mendapat latihan di Afghanistan dan menganggotai kumpulan militan yang berhasrat menjatuhkan kerajaan dan membentuk sebuah negara Islam.

"Mereka terlibat dengan puak Taliban dan kumpulan yang dipimpin oleh Osama bin Laden serta dipengaruhi idea politik di sana. Mereka kembali merancang untuk menjatuhkan kerajaan secara paksa dengan penggunaan senjata," pemimpin Malaysia itu memberitahu *BBC*.

Jutawan kelahiran Arab Saudi itu dipercayai kini dilindungi oleh para pemimpin Taliban di Afghanistan adalah orang yang paling disyaki mendalangi serangan di Washington dan New York pada 11 September lalu.

"Kumpulan ini, yang terlibat dengan Osama bin Laden, memang merancang untuk menyerang sepasukan anggota tentera laut AS yang berada di sini selepas kapal mereka rapot di pelabuhan